



Inatsisartunut ilaasortaq Sara Olsvig, Inuit Ataqtigijt

## Apeqqutinut '180 aalisakkeriviit' akissut

11-08-2016  
Sagsnr.  
Dok. nr. 3231031

Inatsisartut suleriaasianni § 37, imm. 1 naapertorlugu inuussutissanik tunisassiornermi ilinniartitaaneq pillugu ukuningga apeqquteqarputit. Apeqqutitit pillugit Naalakkersuisut qutsavigaatsit, immikkoortuniillu suliamut attuumassuteqartunit paasissutissanik pissarsillutik.

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: iiknn@nanoq.gl  
www.nanoq.gl

### 1) Ilinniarfinni ilinniartitaanermilu sammivinni assiginnngitsuni PKU-mik (Ilinniagaqarsimannngitsunut piginnaasanik ineriartortitseqqinneq) AMA-millu aningaasaliissutit atornerqarneri qanoq agguataaqqappat?

PKU-mi aningaasat pillugit apeqqummut akissut Inuussutissarsiornermut, Suliffeqarnermut Niuernerimullu Naalakkersuisoqarfimmit pissarsiarineqarpoq.

PKU-mut aningaasaliissutini qitiusumik ilinniarfiit missingersuutitut kissaataat aallaavigneqarput. 2016-imiit aalajangerneqarpoq ukiunut pingasunut agguassisoqartassasoq, taamaaliornikkut ilinniarfiit pikkorissartitsinissanik neqeroorutitik pilersaarusiornissamut pitsaanusumik periarfissaqassapput, ukiumi aningaasaliiffiusumi atuisukippallaarput allanillu pisariaqartitsisoqarpat aningaasat agguanneri allannortinneqarsinnaavoq.

Immikkoortut sorliit maannakkut pisariaqartitsiviunersut ataatsimut isigalugu isiginiarneqartarput, ukiumi kingullermi tassaavoq aatsitassarsiorneq, ukioq manna avaleraasanik aalisarnerup isiginiarneqarnera pissutigalugu tassaavoq immami isumannaallisaaneq pillugu pikkorissartitsinerit. Aappaagu ilimagineqarpoq tassaassasoq aalisakkerivinni sulisussanik amigaaqarneq pissutigalugu eqqiluisaarnermik pikkorissartitsinerit isiginiarneqassasut.

AGGUAANERMI TUNNGAVIIT 2016	
Perorsaanermik Ilinniarfik	1.443.129
Sanaartornermik Ilinniarfik	(ukiumut ataatsimut) 3.075.219
Oqaatsinik Ilinniarfik	(ukiumut ataatsimut) 977.107
Inuili	1.776.286
Campus Kujalleq	2.272.292
Aatsitassarsiornermik Ilinniarfik	9.242.963
Saviminilerinermik Ilinniarfik	1.107.602
Imarsiornermik Ilinniarfik	2.796.063
Peqqissaanermik Ilinniarfik	1.800.703

Eqqagassanik passussisarnermi aallarnisaalluni suliniut	700.000
Sulinissamut sungiusarneq	2.000.000
Isumalioqatigiinnerit paasisitsiniaarnerlu	1.050.000
<b>Katillugit</b>	<b>28.242.000</b>

AMA-mi aningaasanit aningaasaliisarnermi Qitiusumik Ilinniarfiit qinnuteqaataat qitiusumillu ilinniarfiit ukiup siuliani atuineri aallaavigneqartarput.

<b>AMA-MI ANINGAASANIK 2015-IMI AGGUAANEQ</b>	<b>ANINGAASALIISSUTIT</b>	<b>ATUINEQ</b>
Kalaallit Nunaanni Ilitsersuisarfik	1.700.000	491.834
Savaatilinggorniat Ilinniarfiat	150.000	-
Saviminilerinermik Ilinniarfik	4.000.000	5.526.615
Sanaartornermik Ilinniarfik	1.477.000	758.465
Imarsiornermik Ilinniarfik	1.700.000	1.724.910
Nuummi Niuerneramik Ilinniarfik	4.000.000	5.407.478
Inuili	3.000.000	3.254.070
Campus Kujalleq	2.500.000	557.154
Perorsaanermik Ilinniarfik	2.000.000	1.965.382
Peqqissaanermik Ilinniarfik	1.043.000	715.865
Oqaatsinik Ilinniarfik	3.500.000	2.169.777
Pikkorissartitsinerit allat	-	277.327
Pikkorissartitsinerit ataasikkaat	3.000.000	3.181.423
<b>Katillugit</b>	<b>28.070.000</b>	<b>26.030.300</b>

**2) Inuussutissanik pilersitsinermi inuussutissalerinermilu ilinniarfissat suut Nunatsinni periarfissaappat?**

Inuussutissanik tunisassiornermik inuussutissalerinermilu ilinniarfissat Narsami qitiusumik ilinniarfimmil Inuilimit ingerlanneqartarput. Ilinniarfik immikkoortuni taakkunanani ilinniarnernik ukuninga neqerooruteqartarpoq:

- Iffiortoq, ilinniarnermi ilinniarfimmiiinneq sulinermillu sungiusarneq paarlakaajaanegartarput, tassani ilinniarfimmiiinnerit siullit marluk Inuilimi ingerlanneqartarlutik, ilinniarfimmiiinnerillu kingullit sisamat Holstebromi Ilinniarfimmii ingerlanneqartarlutik.
- Cateringimi kantinamilu assistenti, ilinniarnermi sulinermik sungiusarneq Inuilimilu pingasoriarluni ilinniarfimmiiinnerit paarlakaajaanegartarput.
- Pisiniarnermi neqilerisoq, ilinniarnermi ilinniarfimmiiinneq sungiusarlunilu sulineq paarlakaajaanegartarput. Ilinniarfimmiiinnerit siullit marluk Inuili ingerlanneqartarput, ilinniarfimmiiinnerillu sisamat Holstebromi Ilinniarfimmii ingerlanneqartarlutik.
- Inuussutissalerinermi ikiorti, ilinniarnermi sungiusarluni sulineq Inuilimilu ilinniarfimmiiinnerit pingasut paarlakaajaanegartarput.
- Inuussutissalerinermi assistenti, ilinniarnermi sungiusarluni sulineq Inuilimilu ilinniarfimmiiinnerit sisamat paarlakaajaanegartarput.
- Iqasoq, ilinniarnermi sungiusarluni sulineq ilinniarfimmiiinnerillu tallimat paarlakaajaanegartarput, taakkunanga siullit pingasut Inuillimi kingulliillu Sisamt Food College Aalborg-imi.
- Procestekniker aamma Procestekniker immikkut ilisimasaqalerluni, Inuilimi Sivikitsumik Ingerlaqqilluni Ilinniarneq (KVU).

**3) Inuussutissalerinermi ilinniarfissani periarfissaasut atorluarnerunissaannut, assersuutigalugu fiskeriteknolog-tut ilinniarsinnaanissamut, qanoq aqqutissiuussisoqarsinnaava?**


Inuussutissalerinermi ilinniarnert ineriartortinnissaat Naalakkersuisut isiginiartorujussuaat, pingaartumik aalisakkerivinnut tunngasut. Aalisakkerivinni sulisunut ilinniarsimangitsunut ilinniarneq nutaaq qitiusumik ilinniarfiit inuussutissarsiortullu suleqatigalugit misissuineq aallartinneqareerpoq,

Aamma ilinniarneq 'Procestekniker aalisakkanik immikkut ilisimasaqarfiusoq' fiskeriteknologit ilinniarnermut assingusorujussuaq periarfissaareerpoq. Inuussutissalerinermik inuussutissarsiornermi inuussutissarsiutit immikkoortuini arlalinni pisariaqartitsineq iliuuseqarfiginiarlugu kiisalu pitsaasumik ilinniarfeqarnissaq ingerlatiinnarniarlugu immikkut ilisimasaqalerfiit assigiinngitsut ilinniarfiusinnaapput.

**4) Inuussutissalerinermut ilinniarfinnut inuit qassit qinnuteqartarpat qassillu tigutittarpat?**

Ilinniarnernut 245-t 2016-imi qinnuteqarput. Ilinniarnernut arlalinnut qinnuteqartut sillimaffigineqassapput taamaammat taakku arlaleriarlutik nalunaarsorneqarnikuupput.

31.07.2016-imi Inuilimi ilinniartunngortinneqartut: Ilinniartut 35-t, imatut agguarneqartut:



Inuilimi ilinniarnernut qinnuteqartut amerlasoorujussuupput.

Ilinniartunngortinneqartartut killeqarnerannut sungiusarluni suliffissat amigaataaneri pissutaavoq. Ilinniartut sungiusarlutik suliffissaqaleraangamik ilinniarnermik aallartissinnaapput.

Qitiusumik ilinniarsiit Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaata allanngortinneqarneranik Inatsisartut inatsisaat nr. 6, 6 juni 2016-imeersoq naaportorlugu ilinniartut ilinniarfimmi sungiusarluni sulititsisinaanerat periarfissaavoq. Ilinniarfimmi sungiusarluni sulinissamik qinnuteqartut tamaasa Inuilip ilinniartunngortittarpai. Qinnuteqartitsinermi tassani ilinniarfimmi sungiusarlutik sulisussat aqqaneq marluk ilinniartunngortinneqarput, ilimagineqarporlu ukiamut ilinniarfimmi sungiusarlutik sulinissamik aqqjissuussinermi arfineq pingasunik ilallugit ilinniartunngortinneqassasut.

Qitiusumik ilinniarsiit Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaata allanngortinneqarneranik Inatsisartut inatsisaat nutaajupajaarpoq, taanna malillugu ilinniarfimmi sungiusarluni sulinissaq annertunerusumik periarfissinneqarluni. Majoriaq, siusinnerusukku Piareersarfiit, tamanna malillugu aamma ilitsersuisassapput. Taamaammat ilimagineqarpoq qinnuteqartut amerlanerit periarfissaq taanna siunissami atortassagaat.

Savaatilingorniarluni processteknikeritullu ilinniarnernit aalajangersimasumik augustimi aallartittarput.

Ilinniarnernit allat tamarmik qinnuteqartut sungiusarlutik suliffissaqalernerat peqatigalugu aallartittarput, tamannalu ukioq tamaat pisinnaavoq.

Processteknikerit ilinniarneq ukiumi marlunni ingerlanneqartarpoq, sivikitsumik ingerlaqqilluni ilinniarneq.

Allat tamarmik inuussutissarsiutinut ilinniarnernupput.

##### 5) Inuussutissalerinermi ilinniarfissat sorliit Nunatsinniippat sorliillu nunanut allanut aallaruni ilinniarfigineqartarpat?

Apeqqummut 2-mut akissut takujuk.

**6) Inuussutissalerinermi ilinniarnut tigutinnissamut oqaatsitigut piumasaqaatit qanoq ippat?**

Inuussutissalerinermi ilinniarnerni assigiinngitsuni oqaatsit pillugit piumasaqaatit tassaapput, meeqqat atuarfianni naammassillutik klassini ilinniartitsissutini kalaallisut, danskisut, tuluttut matematikkimilu ataatsimut piumasaqaat tassaavoq 02 (GGs-skala). Piumasaqaatit taakku eqqortinneqanngikkaangata suut tamaat isiginiarlugit nalilersuisoqartarpoq.

Procesteknikerit eqqarsaatigalugit inuussutissarsiornermi misilittakkat oqaatsitigullu piginnaasat nalilersuineri ilaasarput.

**7) Aalisakkanik inuussutissanillu nioqqutissiornermi immikkut ilisimasanik ilinniarsimanermillu qaffaanissamut qanoq iliuseqartoqarpa?**

Aalisakkanik inuussutissanillu tunisassiornermi immikkut ilisimasaqarnissaq ilinniagaqarnissallu qulakkeerniarlugit ilinniariup inuussutissarsiornermi akornanni qanimut oqaloqatigiittoqartarpoq suleqatigiittoqartarlunilu. Taamaammat inuussutissalerinermi inuussutissarsiornermi sinniisui Inuulip siulersuisuinut toqqarneqarnikuupput. Uku siulersuisuni ilaasortaapput:

Erik Bjerregaard (Akunnittarfimmi pisortaq, Hotel Arctic Ilulissat)  
Karsten Lyberth-Klausen (Inatsisileritoq, Sulisitsisut)  
Helge Tang (Akunnittarfimmi piginnittoq, Hotel Hans Egede Nuuk)  
Lena Pedersen Fisker (Inuussutissat pillugit ilitsersuisartooq, Qaqortumi napparsimavik)  
Daniel Skifte (Pisortaneq, Arsuk Food)  
Paarnannguaq Tittussen(S.I.K.)  
Ivan Kristensen (Pisortap tullia, logistik Pisiffik A/S)

Ilaatigut inuussutissarsiornermi ilinniariup inuussutissarsiornermi ujartugaannik ilinniarnernik neqerooruteqartarnissaa ilinniartullu ilinniarnerminnik naammassinninnissaannut tapersiisumik ilinniarnerni pitsaasunik avatangiiseqarnissaq siulersuisut inuussutissarsiornermi sinniisuattut qulakkiissavaat.

**8) Nunatsinni sumi inuussutissalerinermik ilinniarnermut atasumik atorpeqarsinnaasunik laborato-riaqarpa?**

Inuuli laboratoriaqarpoq, taannalu inuussutissalerinermik ilinniarnerni atorpeqarsinnaavoq.

**9) Laboratoriat pineqartut qanoq atorpeqartigippat?**

Procesteknikerit ilinniarnermut atatillugu laboratoria Inuulip atornerusarpaa, kisiannili inuussutissarsiornermi ilinniarnerni ilaatigut aamma atorpeqartarpoq.

**10) Naalakkersuisut inuussutissanik pilersitsiniermi inuussutissalerinermillu ilinniagallit praktikkerfissaqartinnissaannut qanoq iliuseqarpat?**

Sungiusarluni suliffiit inuussutissarsiornermi qitiusumillu ilinniariupit attaveqartartuupput, aammalu sungiusarluni suliffinnik pissarsinissaq siunertaralugu suliffeqarfinnut saaffiginnittarnissaq ilinniariupit Majoriallu suliaasaraat.

Sungiusarluni suliffissat amigaataaleriataarsinnaanerit Naalakkersuisut eqqumaffigaat, taamaammalu inuussutissarsiornermi ilinniarnerni pillugit inatsisip kingullermik allangortinnerani ilinniarni sungiusarluni sulinnissamut periarfissaqarnerulernissaq ammaannikuullugu.

Inussiarnersumik inuulluaqqusilluta

Nivi Olsen